

1. Kasu praktikoa

2014ko otsailaren 14ean Elisak (zeinak bere entzuteko gaitasuna %50 batean gutxitua zeukan) eta bere lagun Amaiak (biak 16 urtetakoak) Calamochatik gertu zegoen diskoteka batean sartzea lortu zuten, adin-nagusiak zirela esanez. Bertan Elisak Hans (34) ezagutu zuen, eta ordu batzuk berarekin gin-tonic kopuru zehaztugabe bat eta vodka txupitoak edaten zein dantzaten igaro ondoren diskotekako komunetik gertu harreman sexualak izan zituzten.

Elisak Hans-ekin horrela jardutea erabaki zuen, bere klaseko Ramón (gustatzen zitzaion mutila) diskoteka berean zegoelako eta hura jeloskor jartzea nahi zuelako Elisa beste norbaitekin ikustean. Gaueko 3:00ak aldera, Hans komunean zegoela aprobetxatuz, Ramón Elisarengana hurbildu zen eta paperezko ahozapi batean *“además de sorda, puta”* mezua begien aurrean jarri zion. Honek Elisarengan ezinegona eragin zuen eta neskak Ramoni barkamena eskatu zion. Komunetik bueltan zetorrela Hans-ek egoera urrutitik ikustean Elisa Ramonekin joatear zegoela interpretatu zuen, eta nahiz eta bera Elisarengana iristerako Ramón dagoeneko bertan ez izan, Hans-ek Elisari esan zion ordaindu zizkion edari guztiak kontutan izanda, espero zuen gutxiengoa neskak gaua berarekin pasatzea zela, beste mutil batekin hitzegiten egotea aurpegiratuz. Segidan, eta asaldaturik, Hans-ek bere edaria lurrera bota zuen *“siempre igual, todas sois unas putas”* esanez eta bere kotxerantz abiatuz. Elisak, azkenean gaua bakarrik amaitzea ekidin nahian, Hans-en atzetik ateratzea erabaki zuen eta kotxera iristerakoan gaua berarekin pasako zuela esan zion. Kotxera sartu zenean Elisa dardarka zegoen, berokia diskoteka barruan utzi baitzuen. Kalefakzioa piztu nahian zebilela Hans-ek laban bat atera eta bost labankada eman zizkion sabelaldean. Elisa hilda edo hilzorian zegoela pentsatuz, eta parking-ean une horretan inor ez zegoela aprobetxatuz, Hans-ek Elisa kotxetik atera eta bertan utzi zuen, segidan bere etxera abiatuz.

Elisaren gorpua zaindarien goizeko 6etan aurkitu zuten, hipotermia zeinuekin.